



10. november 2025

Inatsisartut ingerlatsinermut maleruagassaasa § 37 imm. 1 tunngavigalugu matumuuna ukunannga Naalakkersuisunut apeqquteqaateqarpunga.

Naalakkersuisunut apeqquteqaatit:

- 1. Naalakkersuisut naleqquttutut isiginerpaat, ingerlatat allat tassani aallarnisaasut aammalu suliffeqarfiit minnerusut aalisakkerivittut ittumik aaqqissuussamut ilanngunneqassappata nioqqutissiornermut- aamma tunniussinermut aningaasartuutaasut 50%-iannit innaallagissamut imermullu akiliisalerpata?**
- 2. Naalakkersuisut eqqarsaatersuutigerusussinnaanerpaa piffissami aalajangersimasumi killeqartinneqartumik akikillisaammik pilersitsisinnaaneq maannakkut aalisakkeriviit innaallagissamut imermullu akikillisaaffigineqartarnerannut assigusumik, suliffeqarfinnut imminnut pilersornermik, piujuartitsinermik aammalu atoqqiineramik aallaaveqartumik aningaasarsiornermik suliaqartunut?**
 - a. Naalakkersuisut aningaasatigut allaffissornikkullu suut, aaqqissuussap taamaattup Nukissiorfimmut aningaasanullu inatsimmut suut kingunerisinnaagai nalilerpaat?**
- 3. Naalakkersuisut qanoq nalilerpaat, pitsaanerpaamik aalisakkeriviit atugaasa pitsaasut attatiinnarsinnaanerata, tassunga ilutigalugu, inuussutissarsiutit nutaat pitsaasunik periarfissaqartinneqassappata taamaaliornermikkullu inuiaqatigiinni aningaasarsiornermut nappatissat ilaattut ineriartortinneqarlutik?**
- 4. Naalakkersuisut oqaluuserisamut soqutiginaatilinnik allanik paasissutissiisinnaanarlutik?**

(Inatsisartunut ilaasortaq Napaarteq Petrussen, Demokraatit)

Tunngavilersuut

Nukissiorfiit aningaasanullu inatsimmi aalajangersakkat malillugit ullumikkut aalisakkeriviit nioqqutissiornermut- aamma tunniussinermut aningaasartuutit piviusut 50%-iannit piffimminni innaallagissamut imermullu akiliisarput. Akiutitali nalininnaasumik akigitinneqartoq qaquguluunniit qaangersinnaanngilaa. Aaqqissuussaq taanna aalajangersarneqarpoq inuussutissarsiutip, avammut nioqquteqarnermut, sulititsinermut aningaasaqarnerullu patajaattuunissaanut pingaaruteqarluinnartup, unammillersinnaaneranut sinaakkusiunneqarsimasut qulakkeerniarlugit.

Paasinarpoq, aalisakkeriviit aaqqissuussaq taamaattoq iluarisimaarsimagaat. Tassungali ilutigalugu nassuerutigisariaqarparput, inuussutissarsiutinik allanik inerisaanissarput pisariaqartorujussuummat, pingaartumik aallarnisaasut suliffeqarfiillu minnerit nukissiornermut aningaasartuutitut annertuunut ilungersuuteqarneranni, ineriartornissaraluaminnut naalleraataasunut.



Taamaattumik uunga apeqqummut siunertaavoq ersarissassallugu, Naalakkersuisut naleqqunnersoq eqqarsaatigissallugu 50%.imik akikillisaasernerup pioreersup annertusisinneqarsinnaanera – imaluunniit allanik tapersiissutaasinnaasunik – inuussutissarsiortut nutaat oqilisaanneqarsinnaaniassammata, avammut aalisakkanik tuniniaanerup pingaaruteqaqisup sinaakkutai pisariaqartut innarlingikkaluarlugit.

Apeqquteqaatima ullut suliffiusut qulit iluanni akineqarnissaat qilanaaraara.